



**E**t egredietur virga de radice Jesse  
et flos de radice ejus ascendet, et  
requiescet super eum Spiritus Domini.

— ❖ — DIE VIII. SEPTEMBRIS. — ❖ —  
**In Nativitate B. Mariæ Virg.**

DUPLIX II. CLASSIS.

**IN I. VESPERIS.**  
**Añæ ut in Laudibus. 377.**  
**Psalmi, Capit. et Hymn.**  
**ut in Festis B. M. V. [191]**

✠. Nativitas est hodie  
sanctæ Mariæ Virginis.  
✠. Cujus vita inlyta cun-  
ctas illústrat Ecclésias.

**Ad Magnif. Aña.** Glorió-  
sæ Virginis Mariæ ortum  
digníssimum recolámus,  
quæ et Genitricis dignitá-  
tem obtinuit, et virginá-  
lem pudicitiam non amísit.

**Oratio.**

**F**Amulis tuis, quæsu-  
mus Dómine, cœléstis  
grátiae munus impertire :  
ut quibus beátæ Virginis  
partus éxstitit salutis  
exórdium, Nativitátis ejus  
votiva solémnitas, pacis  
tribuat incrementum. Per  
Dóminum.

**Ad Completor. et Horas**  
**diei, ac per totam Octav.**  
**in fine Hymnorum ejus-**  
**dem metri dicitur.**

Jesu, tibi sit glória,  
Qui natus es de Virgine.

**AD MATUTINUM.**

**Invit.** Nativitátem Virgi-  
nis Mariæ celebrémus :

\* Christum ejus Fílium  
adorémus Dóminum.

Ps. Veníte. 2.

**Hymn. Añæ, Psalmiet ✠✠.**  
**ut in Festis B. M. V. [194]**

**In I. Nocturno.**

Incipiunt Cántica canti-  
córum.

**Lectio j.**

**Cap. j.**

**S**culétur me ósculo  
oris sui : quia me-  
lióra sunt úbera  
tua vino, fragrantia un-  
guéntis óptimis. Oleum  
effúsum nomen tuum : ídeo  
adolescéntulæ dilexérunt  
te. Trahe me : post te cur-  
rémus in odórem unguen-  
tórum tuórum. Introduxít  
me rex in cellária sua : ex-  
sultábimus et lætábimur  
in te, mémores úberum  
tuórum super vinum : recti  
diligunt te. Nigra sum, sed  
formósa, filíæ Jerúsalem,  
sicut tabernácula Cedar,  
sicut pelles Salomónis.

✠. Hódie nata est beáta  
Virgo María ex progénie  
David : \* Per quam salus  
mundi credéntibus appá-  
ruit, cujus vita gloriósa lu-  
cem dedit sæculo. ✠. Na-



tivitatem beatæ Mariæ Virginis cum gaudio celebrémus. — Per quam.

**Lectio ij.**

**N**olite me considerare quod fusca sim, quia decoloravit me sol : filii matris meæ pugnaverunt contra me, posuerunt me custodem in vineis : vineam meam non custodivi. Indica mihi, quem diligit anima mea, ubi pascas, ubi cubes in meridie, ne vagari incipiam post greges sodalium tuorum. Si ignoras te o pulcherrima inter mulieres, egrèdere, et abi post vestigia gregum, et pasce hædos tuos juxta tabernacula pastorum. Equitatu meo in curribus Pharaonis assimilavi te amica mea. Pulchræ sunt genæ tuæ sicut turturis : collum tuum sicut monilia.

**R.** Beatissimæ Virginis Mariæ Nativitatem devotissime celebrémus : \* Ut ipsa pro nobis intercedat ad Dóminum Jesum Christum. **V.** Cum jucunditate Nativitatem beatæ Mariæ Virginis devotissime celebrémus. — Ut ipsa.

**Lectio iij.**

**M**urénulas aureas faciémus tibi, vermiculatas argénto. Dum es-

set Rex in accubitu suo, nardus mea dedit odorem suum. Fasciculus myrrhæ dilectus meus mihi, inter úbera mea commorabitur. Botrus Cypri dilectus meus mihi, in vineis Engaddi. Ecce tu pulchra es amica mea, ecce tu pulchra es, óculi tui columbarum. Ecce tu pulcher es dilecte mi, et decorus. Læctulus noster floridus : tigna domorum nostrarum cédrina, laquearia nostra cypressina.

**R.** Gloriósæ Virginis Mariæ ortum dignissimum recolámus, \* Cujus Dóminus humilitatem respexit, quæ Angelo nuntiante concépit Salvatorem mundi. **V.** Beatissimæ Virginis Mariæ Nativitatem devotissime celebrémus. — Cujus. **Gloria.** Cujus.

**In II. Nocturno.**

Sermo sancti Augustini Episcopi.

**Serm. xvij. de Sanctis, qui est ij. de Annunt. Dñica.**

**Lectio iij.**

**A**dest nobis, dilectissimi, optatus dies beatæ ac venerabilis semper Virginis Mariæ : ideo cum summa exultatione gaudeat terra nostra, tantæ Virginis il-

lustrata natali. Hæc est enim flos campi, de qua ortum est pretiosum liliium convallium, per cuius partum mutatur natura protoplastorum, delétur et culpa. Præcisum est in ea illud Hevæ infelicitatis elógium, quo dicitur : In dolore paries filios tuos : quia ista in lætitia Dómini peperit.

**R.** Nativitas gloriósæ Virginis Mariæ ex semine Abrahamæ, ortæ de tribu Juda, clara ex stirpe David, \* Cujus vita inclyta cunctas illústrat Ecclélias. **V.** Hódie nata est beatá Virgo María ex progénie David. — Cujus vita.

**Lectio v.**

**H**eva enim luxit, ista exsultavit : Heva lacrymas, María gaudium in ventre portavit : quia illa peccatorem, ista edidit innocentem. Mater generis nostri pœnam intulit mundo, Génitrix Dómini nostri salutem intulit mundo. Auctrix peccati Heva, auctrix mériti María. Heva occidendo obfuit, María vivificando profuit. Illa percussit, ista sanavit. Pro inobediéntia enim obediéntia commutatur, fides pro perfidia compensatur.

**R.** Cum jucunditate Nativitatem beatæ Mariæ celebrémus : \* Ut ipsa pro nobis intercedat ad Dóminum Jesum Christum. **V.** Corde et ánimo Christo canámus glóriam in hac sacra solemnitate præcelsæ Genitrícis Dei Mariæ. — Ut ipsa.

**Lectio vj.**

**P**laudat nunc organis María, et inter veloces artículos tympana puérperæ concrépent. Concinant lætantes chori, et alternantibus modulis dulcisona carmina miscantur. Audite igitur quem admodum tympanistria nostra cantaverit. Ait enim : Magnificat anima mea Dóminum : et exsultavit spíritus meus in Deo salutari meo. Quia respexit humilitatem ancillæ suæ, ecce enim ex hoc beatam me dicent omnes generationes. Quia fecit mihi magna qui potens est. Causam igitur invalescentis errati miraculum novi partus evicit, et Hevæ planctum Mariæ cantus exclusit.

**R.** Nativitas tua Dei Génitrix Virgo, gaudium annuntiavit universo mundo : \* Ex te enim or-



tus est sol justitiæ, Christus Deus noster : \* Qui solvens maledictionem, dedit benedictionem : et confundens mortem, donavit nobis vitam sempiternam. *℟.* Benedicta tu in mulieribus, et benedictus fructus ventris tui. — Ex te. *Gloria Patri. Qui.*

*In III. Nocturno.*

Lectio sancti Evangelii secundum Matthæum.

*Lectio vij. Cap. j.*

**I**ber generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua. Homilia sancti Hieronymi Presbyteri.

*Lib. i. Comment. in Matth. in initio.*

**I**N Isaia legimus : Generationem ejus quis enarrabit? Non ergo putemus Evangelistam Prophetæ esse contrarium, ut quod ille impossibile dixit effatu, hic narrare incipiat : quia ibi de generatione divinitatis, hic de incarnatione est dictum. A carnalibus autem cœpit, ut per hominem, Deum discere incipiamus. Filii David, filii Abraham. Ordo præpositus, sed necessario com-

mutatus. Si enim primum posuisset Abraham, et postea David, rursus ei repetendus fuerat Abraham, ut generationis series texeretur.

*℟.* Beátam me dicent omnes generationes : \* Quia fecit mihi Dominus magna qui potens est, et sanctum nomen ejus. *℟.* Et misericordia ejus a progénie in progénies timentibus eum. — Quia.

*Bened.* Cujus festum colimus, ipsa Virgo virginum.

*Lectio viij.*

**I**Deo autem ceteris prætermisissis, horum filium nuncupavit, quia ad hos tantum est facta de Christo repromissio. Ad Abraham : In semine, inquit, tuo benedicentur omnes gentes, quod est Christus. Ad David : De fructu ventris tui ponam super sedem tuam. Judas autem genuit Phares et Zaram de Thamar. Notandum, in genealogia Salvatoris nullam sanctorum assumi mulierum, sed eas quas Scriptura reprehendit : ut qui propter peccatores venerat, de peccatoribus nascens, omnium peccata deleret. Un-

de et in consequentibus Ruth Moabitibus ponitur, et Bethsabée uxor Uriæ.

*℟.* Felix namque es sacra Virgo Maria, et omni laude dignissima : \* Quia ex te ortus est sol justitiæ, \* Christus Deus noster. *℟.* Ora pro populo, interveni pro clero, intercede pro devoto femineo sexu : sentiant omnes tuum juvenamen, quicumque celebrant tuam sanctam Nativitatem. — Quia. *Gloria Patri. Christus.*

*Pro S. Hadriano Martyre.*

*Lectio ix.*

**A**drianus jussu Maximiani imperatoris apud Nicomediam persequens Christianos, cum sæpius eorum in fidei confessione, et tormentorum perpessione constantiam demiratus esset, vehementer ea re commotus, ad Christum sese convertit. Quamobrem cum aliis viginti tribus Christianis conjectus est in carcerem : ubi eum visitans Natalia uxor, quæ et ipsa antea in Christum crediderat, ad martyrium incendit. Itaque e custodia eductus, tandem flagellis cæsus est, donec intestina diffu-

erent. Postremo fractis cruribus, manibus pedibusque præcisus, una cum multis aliis martyrii certamen feliciter absolvit.

Te Deum laudamus. *19.*

*AD LAUDES,*

*et per Horas, Añæ.*

*1.* Nativitas gloriosæ Virginis Mariæ, \* ex semine Abraham, ortæ de tribu Juda, clara ex stirpe David.

*2.* Nativitas est hodie \* sanctæ Mariæ Virginis, cujus vita inclyta cunctas illustrat Ecclesias.

*3.* Regali ex progénie \* Maria exorta refulget : cujus precibus nos adjuvamente et spiritu devotissime poscimus.

*4.* Corde et animo \* Christo canamus gloriam, in hac sacra solemnitate præcelsæ Genitricis Dei Mariæ.

*5.* Cum jucunditate \* Nativitatem beætæ Mariæ celebremus, ut ipsa pro nobis intercedat ad Dominum Jesum Christum.

*Capitulum. Eccli. xxiv. b*

**A**B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.



**Hymnus.**

**O** Gloriósa Vírginum,  
Sublímis inter sídera,  
Qui te creávit, párvulum  
Lacténte nutris úbere.  
Quod Heva trístis ábstulit,  
Tu reddis almo gérmine :  
Intrent ut astra flébiles,  
Cœli reclúdis cárdines.  
Tu Regis alti jánuá,  
Et aula lucis fúlgida :  
Vitámdatámpér Vírginem  
Gentes redémpptæ pláudi-  
te.

Jesu, tibi sit glória,  
Qui natus es de Vírgine,  
Cum Patre, et almo Spirítu,  
In sempitérna sæcula.

Amen.

✠ Nativitas est hódie  
sanctæ Mariæ Vírginis.  
✠ Cujus vita ínclýta cun-  
ctas illústrat Eccléasias.

Ad Bened. Añá. Nativitá-  
tem hodiérnam \* perpé-  
tuæ Vírginis Genitrícis  
Dei Mariæ solémniter ce-  
lebrémus, qua celsitúdo  
thróni procéssit, allelúia.

**Oratio.**

**F**Amulis tuis, quæsu-  
mus Dómine, cœlé-  
stis grátiae munus imper-  
tíre : ut quibus beátæ Vír-  
ginis partus éxstitit salú-  
tis exórdium, Nativitátis  
ejus votíva solémnitas,  
pácis tríbuat incremén-  
tum. Per Dóminum.

Deinde fit Comm. S. Ha-  
driani Mart. hoc loco tan-  
tum. Añá. Qui odit áni-  
mam suam in hoc mundo,  
in vitam ætérnam custó-  
dit eam. ✠ Justus.

**Oratio.**

**P**Ræsta quæsumus om-  
nípotens Deus : ut  
qui beáti Hadriáni Mártý-  
ris tui natalítia cólimus,  
intercessióne ejus in tui  
nóminis amóreroborémur.  
Per Dóminum nostrum.

Ad Primam in ✠. brevi  
dicitur ✠. Qui natus es de  
Mariá Vírgine. Et sic dici-  
tur per totam Octavam,  
etiam in Festis.

**AD TERTIAM.**

Capit. ut ad Laudes. 377.

✠. br. Spécie tua, \* Et  
pulchritúde tua. Spécie  
tua. ✠. Inténde, prospere  
procéde, et regna. Et pul-  
chritúde. Glória. Spécie.

✠. Adjuvábít eam Deus  
vultu suo. ✠. Deus in mé-  
dio ejus, non commovébi-  
tur.

**AD SEXTAM.**

Capitulum. Eccli. xxiv. b  
**E**T sic in Sion firmáta  
sum, et in civitate  
sanctificáta simíliter re-  
quiévi, et in Jerúsalem po-  
téstas mea. Et radicávi in  
pópulo honorificáto, et in  
parte Dei mei heréditas

illius, et in plenitúdesan-  
ctórum deténtio mea.

✠. br. Adjuvábít eam,  
\* Deus vultu suo. Adjuvábít.  
✠. Deus in médio ejus,  
non commovébitur. Deus.  
Glória Patri. Adjuvábít.

✠. Elégít eam Deus, et  
præelégít eam. ✠. In ta-  
bernáculo suo habitáre fa-  
cit eam.

**AD NONAM.**

Capitulum. Eccli. xxiv. b  
**I**N platéis sicut cinna-  
mómum, et bálsamum  
aromatizans odórem dedi :  
quasi myrrha elécta dedi  
suavitátem odóris.

✠. br. Elégít eam Deus,  
\* Et præelégít eam. Elé-  
git. ✠. In tabernáculo suo  
habitáre facit eam. Et  
præelégít. Glória. Elégít.

✠. Diffúsa est grátia in  
lábiis tuis. ✠. Propterea  
benedixit te Deus in ætér-  
num.

**IN II. VESPERIS.**

Añæ et Capit. de Lau-  
dibus. 377.

Psalmi et Hymnus ut in  
Festis B. M. V. [191]

✠. Nativitas est hódie  
sanctæ Mariæ Vírginis.  
✠. Cujus vita ínclýta cun-  
ctas illústrat Eccléasias.

Ad Magnif. Añá. Nativi-  
tas tua, \* Dei Génitrix  
Virgo, gáudium annun-

tiávit univérso mundo :  
ex te enim ortus est sol  
justítiæ, Christus Deus  
noster : qui solvens male-  
dictiónem, dedit bene-  
dictiónem, et confúdens  
mortem, donávit nobis  
vitam sempitérnám.

Comm. S. Gorgonii Mart.

Añá. Iste sanctus pro lege  
Dei sui certávit usque ad  
mortem, et a verbis im-  
piórum non tímuit : fun-  
dátus enim erat supra fir-  
mam petram. ✠. Glória.

**Oratio.**

**S**anctus tuus Dómine  
Gorgónius sua nos  
intercessióne lætíficet : et  
pia fáciat solémnitáte  
gaudére. Per Dóminum.

DOMIN. INFRA OCTAV.

NATIVIT. B. MARLÆ V.

SS. Nominis B. M. V.

Duplex majus.

¶ Si hæc Dominica im-  
mediate sequatur Festum  
Nativitatis, Vesperæ di-  
cuntur integræ de Nativi-  
tate, sine Commem. SS. No-  
minis. Si autem Festum  
SS. Nominis incidat in  
diem Octavam Nativit.  
Officium fit de eo absque  
Commem. diei Octavæ.

Omnia ut in Festis B. M. V.  
per Annum [191] præter  
sequentia.



**Ad Vesp. ad Magnificat.**  
**Añā.** Sancta Maria succurre miseris, juva pusillanimes, refove flébiles, ora pro pópulo, intérvieni pro clero, intercède pro devóto femíneo sexu: sentiant omnes tuum juvámén, quicúmque célebrant tui sancti Nómínis commemoratióem.

**Oratio.**

**C**oncède quæsumus omnípotens Deus, ut fídeles tui, qui sub sanctíssimæ Vírginis Mariæ Nómíne et protectióne lætántur: ejus pia intercessióne, a cunctis malis liberéntur in terris, et ad gáudia ætérna pervenire mereántur in cælis. Per Dñum.

**Comm. Domin. occurr. in utrisque Vesp. et Laud.**

**In II. Nocturno.**

Sermo sancti Bernárdi Abbátis.

**Ex Homilia ij. super Misus est, circa finem.**

**Lectio ib.**

**T** nomen, inquit, Vírginis María. Loquámur pauca, et super hoc nómine, quod interpretátum maris stella dicitur, et matri Vírgini valde conveniénter aptátur. Ipsa namque aptíssime síderi compará-

tur. Quia sicut sine sui corruptióne sidus suum emíttit rádium, sic absque sui læsióne Virgo parturívit filium. Nec síderi rádium suam mínuit claritátem, nec Vírgini filius suam integritátem. Ipsa est igitur nóbilis illa stella ex Jacob orta, cujus rádium univérsum orbem illúminat; cujus splendor et præfulget in supérnis, et ínferos pénétrat, terras étiam perlústrans, et calefáciens magis mentes, quam córpora: fovet virtútes, excoquit vítia. Ipsa, inquam, est præclára, et exímia stella super hoc mare magnum et spatiósum necessarió subleváta, micans méritis, illústrans exémpis.

**℟.** Sicut cedrus exaltáta sum in Líbano, et sicut cyprésus in monte Sion: quasi myrrha elécta, \* Dedi suavitátem odóris. **℣.** Et sicut cinnamómum et balsamum aromatizans. — Dedi.

**Lectio v.**

**O** quisquis te intélligis in hujus sæculi proflúvio magis inter procéllas et tempestátes fluctuáre, quam per terram ambuláre: ne avértas óculos

a fulgóre hujus síderis, si non vis óbrui procéllis. Si insúrgant venti tentatiónum, si incúrras scóculos tribulatiónum, respice stellam, voca Mariám. Si jactáris supérbiæ undis, si ambiónis, si detractiúnis, si æmulatiónis, respice stellam, voca Mariám. Si iracúndia, aut avarítia, aut carnis illécebra navículam concússerit mentis, respice ad Mariám. Si crimínim immanitáte turbátus, consciéntiæ fœditáte confusus, júdicii horóre pertérritus, bátrathro incípías absorbéri tristítie, desperatiónis abyssó, cógita Mariám.

**℟.** Quæ est ista quæ processit sicut sol, et formósa tamquam Jerúsalem? \* Vidérunt eam filie Sion, et beátam dixerunt, et reginæ laudavérunt eam. **℣.** Et sicut dies verni circúmdabant eam flores rosárum, et lília convállium. — Vidérunt.

**Lectio vij.**

**I**n periculis, in angústis, in rebus dúbiis Mariám cógita, Mariám invoca. Non recédát ab ore, non recédát a corde, et ut impetres ejus oratiónis suffrágium, non dese-

ras conversatiónis exémpulum. Ipsam sequens non devías; ipsam rogans non despéras; ipsam cógitans non erras; ipsa tenénte non córruis; ipsa protegénte non métuis; ipsa duce non fatigáris; ipsa propítia pèrvenis, et sic in temetípso experiris, quam mérito dictum sit: Et nomen Vírginis Mariá. Quod quidem venerábile nomen, jamprídem in quibúsdam christiáni orbis pártibus speciáli ritu cultum, Innocéntius undécimus Románus Póntifex, ob insígnem victóriam sub ejúsdem Vírginis Mariæ præsidio de immaníssimo Turcárum tyránno cervícibus pópuli christiáni insultánte Viénnæ in Austria partam, et in pérénne tanti beneficii monuméntum, in Ecclésia universáli síngulis annis Domínica infra Octávam Nativitátis beátæ Vírginis Mariæ celebrári præcépit. **℟.** Ornátam. [201]

**In III. Nocturno.**

Léctio sancti Evangélii secúndum Lucam.

**Lectio vij.**

**Cap. j. c**

**I**n illo témpore: Missus est Angelus Gábriel a Deo in civitátem Galilææ,



cui nomen Názareth, ad vírginem desponsátam viro, cui nomen erat Joseph, de domo David, et nomen vírginis María. Et réliqua.

Homília sancti Petri Chrysólogi.

**Serm. cxlij. de Annuntiat.**



Udístis hódie, fratres caríssimi, Angelum cum muliere de hóminis reparatióne tractántem. Audístis agi, ut homo cúrsibus eisdem, quibus dilápsus fúerat ad mortem, redíret ad vitam. Agit, agit cum María Angelus de salute, quia cum Heva ángelus égerat de ruína. Audístis Angelum de carnis nostræ limo templum divínæ majestátis arte ineffábili construéntem. Audístis in terris Deum, in cœlis hóminem sacraménto incomprehensíbili collocári. Audístis inaudíta ratióne in uno córpore Deum, homínemque miscéri. Audístis frágmentum nostræ carnis natúram ad portándam totam Deitátis glóriam angélica exhortatióne roborári.

**R.** Felix namque es sacra Virgo María, et omni laude digníssima : \* Quia

ex te ortus est sol justitiæ, Christus Deus noster.

**℟.** Ora pro pópulo, interveni pro clero, intercede pro devóto femíneo sexu : sentiant omnes tuum juvámén, quicúmque celebrant tui sancti Nómínis commemoratiónem. — Quia.

**Benedictio.** Cujus festum cólimus, ipsa Virgo vírginum.

**Lectio viij.**

**D**enique, ne tanto ponderi cœlestis fábrica in María subtilis nostri córporis aréna succumberet, et in Vírgine totíus géneris humáni portatúra fructum, virga tenuis frangerétur, fugatúra metum vox Angeli mox præcéssit, dicens : Ne timeas María. Ante causam dignitas Vírginis annuntiátur ex nómine ; nam María Hebræo sermóne, Latíne Dómina nuncupátur. Vocat ergo Angelus Dóminam, ut Dominatóris Genitricem trepidatióne déserat servitútis, quam nasci, et vocári Dóminam ipsa sui gérmínis fecit, et impetrávit auctóritas. Ne timeas María, invenísti enim grátiam. Verum est, quia qui invénit grátiam,

nescit timére : Invenísti grátiam.

**R.** Beátam me dicent omnes generatiónes : \* Quia fecit mihi Dóminus magna qui potens est, et sanctum nomen ejus. **℟.** Et misericórdia ejus a progénie in progénies tíméntibus eum. — Quia. **Glória Patri.** Quia.

**Lectio ix. de Homilia Dominicæ occurrentis.**

**Si autem idem Officium juxta Rubricas Breviarii Romani transferendum sit, ix. Lectio sumatur eo anno ex Officio B. Mariæ in Sabbato de mense ad quem transfertur. [210]**

DIE IX. SEPTEMBRIS.  
**Secunda die infra Octav.**

**Nativitatis B. M. V.**

**In j. Nocturno, Lectiones de Scriptura occurrente.**

**In II. Nocturno.**

**De Sermóne sancti Augustini Episcopi.**

**Serm. xvij. de Sanctis, in medio.**

**Lectio iii.**



Xsúltat María, et matrem se læta mirátur, et de Spírítu sancto se peperísse gaudet : nec quia péperit innúpta, terrétur : sed quia genúerit, cum ex-

sultatióne mirátur. O fémina super féminas benedícta, quæ virum omnino non novit, et virum suo útero circúmdedit ! Circúmdat virum María Angelo fidem dando, quia Heva pérdidit virum serpénti consentiendo. O felix obediéntia, o insignis grátia : quæ dum fidem humíliter dedit, cœli in se opíficem corporávit. Hinc proméruit glóriam, quam ipsa póstmodum auxit. Ecce, ait, ex hoc beátam me dicent omnes generatiónes.

**R.** Nativitas gloriósæ Vírginis Mariæ ex sémine Abrahæ, ortæ de tribu Juda, clara ex stirpe David, \* Cujus vita ínclýta cunctas illústrat Eccléas. **℟.** Hódie nata est beáta Virgo María ex progénie David. — Cujus vita.

**Lectio ii.**

**O** Beáta María, quis tibi digne váleat jura gratiárum, ac laudum præcónia repéndere, quæ singulári tuo assénsu mundo succurrísti pérdito ? Quas tibi laudes fragílitatis humáni géneris persólvat, quæ solo tuo commércio recuperándi áditum invénit ? Accipe itaque quas-



cúmque éxiles, quascúmque méritis tuis ímpares gratiárum actiões : et cum suscéperis vota, culpas nostras orándo excúsa. Admitte nostras preces intra sacrárium exauditiónis, et repórta nobis antidotum reconciliatiónis.

**R.** Cum jucunditáte Nativitátem beatæ Mariæ celebrémus : \* Ut ipsa pro nobis intercédát ad Dóminum Jesum Christum. **V.** Corde et ánimo Christo canámus glóriam in hac sacra solemnitate præcelsæ Genitrícis Dei Mariæ. — Ut ipsa.

**Lectio vij.**

**S**IT per te excusábile, quod per te ingérimus : fiat impetrábile, quod fida mente póscimus. Accipe quod offérimus, redóna quod rogámus, excúsa quod tímémus : quia tu es spes única peccatórum. Per te sperámus véniam delictórum, et in te beatíssima nostrórum est exspectatio præmiórum. Sancta María, succurre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu : séntiant omnes tuum juvámén, qui-

cúmque celebrant tuam sanctam Nativitátem.

**R.** Nativitas tua Dei Génitrix Virgo, gáudium annuntiávit univérso mundo : \* Ex te enim ortus est sol justitiæ, Christus Deus noster : \* Qui solvens maledictiõnem, dedit benedictiõnem : et confúndens mortem, donávit nobis vitam sempitérnam. **V.** Benedicta tu in muliéribus, et benedictus fructus ventris tui. — Ex te. Glória Patri. Qui.

**In III. Nocturno.**

Lectio sancti Evangélii secúndum Matthæum.

**Lectio vij. Cap. j.**

**L**iber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua. De Homíliá sancti Hierónymi Presbyteri.

**Lib. i. Comment. in Matth**

**J**acob autem genuit Joseph. Hunc locum objécit nobis Juliánus Augústus de dissonántia Evangelistárum, cur Evangelísta Matthæus Joseph dixerit filium Jacob, et Lucas eum filium appellárit Heli : non intélligens consuetúdinem Scripturárum, quod alter

secúndum natúram, alter secúndum legem ei pater sit. Scimus enim hoc per Móysen, Deo jubénte, præcéptum, ut si frater aut propínquus absque liberis mórtuus fúerit, álius accípiat uxórem ad suscitándum semen fratris vel propínqui sui. Joseph virum Mariæ. Cum virum audieris, suspício tibi non súbéat nuptiárum : sed recordáre consuetúdinis Scripturárum, quod sponsi viri, et sponsæ vocéntur uxóres.

**R.** Beátam me dicent omnes generatiões : \* Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies tíméntibus eum. — Quia fecit.

**Lectio viij.**

**E**T a transmigratióne Babylónis usque ad Christum generatiões quatuórdecim. Númera a Jechonia usque ad Joseph, et invénies generatiões trédecim. Quartadécima ergo generatio in ipsum Christum reputábitur. Christi autem generatio sic erat. Quærat díligens lector et dicat : Cum Joseph non sit pater Dómini

Salvatóris, quid pértinet ad Dóminum generatiónis ordo dedúctus usque ad Joseph? Cui respondébitus, primum, non esse consuetúdinis Scripturárum, ut mulierum in generatióibus ordo texátur. Deínde, ex una tribu fuisse Joseph et Mariam, unde ex lege eam accíperere cogebátur ut propínquam : et quod simul censéntur in Bétlehem, ut de una videlicet stirpe generáti.

**R.** Felix namque es sacra Virgo María, et omni laude digníssima : \* Quia ex te ortus est sol justitiæ, \* Christus Deus noster. **V.** Ora pro pópulo, intérvieni pro clero, intercède pro devóto femíneo sexu : séntiant omnes tuum juvámén, quicúmque celebrant tuam sanctam Nativitátem. — Quia. Glória Patri. Christus.

**Pro S. Gorgonio Martyre.**

**Lectio ij.**



**O**rgónius, Nicomediæ natus, Diocletiani imperatóris cubiculárius, Dorótheo colléga suo adjutóre reliquos omnes cubiculi ministros ad Christi fidem perduxit. Utérque autem cum vidisset quodam die Már-



tyrem coram Diocletiano acerbissime cruciari, ejus exemplo martyrii amore incensus est. Itaque amborum hæc vox erupit: Quid est, imperator, quod hujus condemnata sententia, quæ nobis cum eo communis est, unum illum punis? Istius nostra etiam est fides, idem propositum. Eos igitur vinctos imperator flagellis concidi jubet, ita ut toto corpore cutis dirumperetur: et in plagas acetum infundi sale permixtum: mox revinctis in craticula subjici imperat vim candentium carbonum. Denique varie torti, suspendio necati sunt. Ac sancti Gorgonii corpus aliquando Romam portatum, inter duas lauros via Latina sepultum, postea a Gregorio quarto summo Pontifice in basilicam principis Apostolorum translatum est.

Te Deum laudamus. 18.

In Laud. fit Commem. S. Gorgonii Martyris, Aña.

Qui odit animam suam in hoc mundo, in vitam æternam custodit eam.

¶ Justus ut palma.

Oratio ut supra. 379.

Vesperæ de sequenti.

DIE X. SEPTEMBRIS.  
S. Nicolai de Tolentino  
Confessoris. Duplex.

Omnia de Comm. Conf. non Pont. [97] præter sequentia.

Oratio.

**A**Desto Domine supplicationibus nostris, quas in beati Nicolai Confessoris tui solemnitate deferimus: ut qui nostræ justitiæ fiduciam non habemus, ejus, qui tibi placuit, precibus adjuvemur. Per Dominum nostrum.

Commem. Octavæ Nativitatis B. M. V. Aña. Nativitas tua. 379.

In j. Nocturno, Lectio-nes de Scriptura occurrente.

In II. Nocturno.

Lectio III.

**N**icolæus, Tolentinas a diuturno illius civitatis domicilio appellatus, in oppido sancti Angeli in Piceno est natus piis parentibus: qui liberorum desiderio Barium voti causa profecti, ibique a sancto Nicolæo de futura prole confirmati, quem suscepérunt filium de illius nomine appellarunt. Is ab infántia multarum virtutum, sed absti-

nentiæ in primis specimen dedit. Nam anno vix septimo, beatum ipsum Nicolæum imitatus, complures hebdomadæ dies jejunare cepit, eamque postea consuetudinem retinuit, solo pane et aqua contentus.

¶ Honestum fecit illum Dominus, et custodivit eum ab inimicis, et a seductoribus tutavit illum: \* Et dedit illi claritatem æternam. ¶ Justum deduxit Dominus per vias rectas, et ostendit illi regnum Dei. — Et dedit.

Lectio IV.

**A**dulta ætate jam clericali militiæ ascriptus, et canonicus factus, cum quodam die concionatorem ordinis Eremitarum sancti Augustini, de mundi contemptu dicentem audisset, eo sermone inflammatus, statim eundem ordinem est ingressus: in quo tam exactam religiøsæ vitæ rationem coluit, ut aspero vestitu, verbèribus, et fèrrea catena corpus domans, atque a carne, et omni fere obsonio abstinens, caritate, humilitate, patientia, ceterisque virtutibus, aliis præluceret.

¶ Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. ¶ Induit eum Dominus lorìcam fidei, et ornavit eum. — Et ad portas.

Lectio Vj.

**O**Randi assiduam studium, quamvis satanæ insidiis varie vexatus, et flagellis interdum cæsus, non intermittebat. Demum sex ante obitum mensibus, singulis noctibus angelicum concentum audivit: cujus suavitate, cum jam paradisi gaudia prægustaret, crebro illud Apostoli repetebat: Cûpio dissolvi, et esse cum Christo. Denique obitus sui diem fratribus prædixit, qui fuit quarto Idus Septembris. Miraculis multis etiam post mortem claruit, quibus rite et ordine cognitis, ab Eugenio Papa quarto in Sanctorum numerum est relatus.

¶ Iste homo. [105]

In iij. Nocturno, Homilia. Pusillum gregem. de Comuni ij. loco. [115]

In Laud. fit Commem. Octavæ Nativit. B. M. V. Aña. Nativitatem hodiernam. 378.